

# Alofa, Faasoa Atu, Valaaulia

## Alofa

Ioane 13:34–35; Mosaea 18:20–22; Mataupu Faavae ma Feagaiga 12:7–9; 121:41–42

Na aoao mai Elder Gary E. Stevenson o le Korama a Aposetolo e Toasefululua e faapea:



Soo se taimi lava tatou te faaalua ai le alofa faaKeriso i o tatou tuaoi, ua tatou talai atu le talalelei—e tusa lava pe tatou te le faaleoina se upu se tasi.

O le alofa mo isi o le faailoaga mamana lea o le poloaiga sili lona lua ia alofa atu i o tatou tuaoi; o loo faaalua ai le faagasologa o le faaatoatoaina a le Agaga Paia o loo galue i totonu o o tatou lava agaga. O le faaalua o le alofa o Keriso i isi, e mafai ai ona tatou faamatu'ia i latou o e vaai ia tatou galuega lelei e “vivii atu [i lo tatou] Tama o i le lagi.” [Mataio 5:16]. (Gary E. Stevenson, “Alofa, Faasoa Atu, Valaaulia,” *Liahona*, Me 2022, 85)

## Faasoa atu

2 Nifae 2:6–8; Mosaea 28:1–3; Alema 31:5; Mataupu Faavae ma Feagaiga 60:2

Na aoao mai Elder Dieter F. Uchtdorf o le Korama a Aposetolo e Toasefululua:



Afai e fesili se tasi e uiga i le faaiuga o lou vaiaso, aua le faatuai ona talanoa i ai e uiga i mea e te lagonaina i le lotu. Faamatala i ai le fanau iti o ē tutū i luma o se faapotopotoga ma pepese ma le naunautai i le auala o loo latou taumafai ai ia pei o Iesu. Talanoa e uiga i le vaega o talavou o ē faaalu le taimi e fesoasoani ai i tagata matutua i nofoaga e tausia ai tagata matutua e tuu faatasi ni talaaga faaletagata lava ia. . . .

Po o a lava auala e foliga mai e tupu fua ma masani ai ia te oe, faasoa atu i tagata pe aisea e taua ai Iesu Keriso ma Lana Ekalesia ia te oe. (Dieter F. Uchtdorf, “Galuega Faafaifeautalai:

Faasoaina atu o Mea o Loo i Totonu o Lou Loto,” *Liahona*, Me 2019, 17)

## Valaaulia

Ioane 1:35–46; 4:28–30, 39–41; Alema 5:62; Moronae 10:3–5

Na aoao mai Elder Gary E. Stevenson o le Korama a Aposetolo e Toasefululua e faapea:



E faitau fia selau valaaulia e mafai ona tatou tuuina atu i isi. E mafai ona tatou valaaulia isi e “o mai ma vaai” i se sauniga faamanatuga, se gaoioiga a le uarota, se vitio i luga o le initoneti e faamatala ai le talalelei a Iesu Keriso. O le “O mai ma vaai” e mafai ona avea o se valaaulia e faitau le Tusi a Mamona pe asiasi i se malumalu fou i le taimi o maimoaga a o lei faapaiaina. O nisi taimi o le valaaulia o se mea tatou te tuuina atu i totonu—o se valaaulia ia i tatou lava, e tuuina mai ai ia i tatou le mataalia ma le vaaiga mamao o avanoa o loo siomia ai i tatou, e faatino ai. (Gary E. Stevenson, “Alofa, Faasoa Atu, Valaaulia,” *Liahona*, Me 2022, 86)